

# Il lader Pederpaiver – Top Kids vol. 12

■ (cp) Sappermust e sapperlot. Paiver e pistolas! Questa giada vegn fatg barlot en il nov gieu auditiv per uffants da Radio e Televisiun Rumantscha (RTR) e da la Lia Rumantscha (LR). Suenter l'istorgia da La strietta han RTR ed LR realisà cun Il lader Pederpaiver (per tudestg «Der Räuber Hotzenplotz») in'ul-

teriura istorgia da l'autur Otfried Preussler.

Il lader il pli nausch da tut ils temps è il lader Pederpaiver. El è engurd ed engola tut quai ch'al vegn davant sia pistola da paiver. In di engola el il mulin da café da la nona. Sa chapescha che Chasperet e Seppin vulan returnar a lur nona

il mulin da café. Ma il plan dals dus matatschs na va betg si. Els vegnan pigliads dal lader Pederpaiver che prenda els dus sco famegls en sia tauna. Chasperet u Seppin venda el perfin al striun Icordio Zachermordio. Per cletg po la diala Amarillina gidar.

Cun l'istorgia dal lader Pederpaiver cumprovan RTR ed LR che er istorgias gia fitg enconuschentas pon tunar e divertir fitg bain era per rumantsch. Ils uffants vegnan cunzunt a far eglis – u meglier ditg ureglias grondas, sch'els audan a far zacras il lader Pederpaiver (Sappermust e sapperlot. Paiver e pistolas!) ed il striun Icordio Zachermordio (Diavel, stria e tut la cumpagnia, zachermordio-cadabra).

RTR e LR han realisà cun questa istorgia da l'autur tudestg Otfried Preussler gia il 12avel disc comunabel da la seria Top Kids. L'autur di ch'el raquintia las istorgias er per promover la fantasia dals lecturs u auditurs. Fantasia hai era duvrà per translatar l'istorgia dal lader Pederpaiver. Mo translatar ina tal'istorgia na pon ins numnadain betg. In'emprova auditiva chatt'ins en l'internet sut [www.simsalabim.rtr.ch](http://www.simsalabim.rtr.ch).

Il disc cumpact pon ins cumprar tar Radio e Televisiun Rumantscha (081 255 75 75), tar la Lia Rumantscha (081 258 32 22) a Cuira u en tut las librias che vendan products rumantschs per il pretsch da 19.50 francs.  
[www.simsalabim.rtr.ch](http://www.simsalabim.rtr.ch)  
[www.liarumantscha.ch](http://www.liarumantscha.ch)



Cover dal disc cumpact.